



Suliassanut immikkut ilinniarsimasunut inersimasunik utoqqarnillu sakkortuumik pissusilersorsinnaasartunik sullissisunut pikkorissarnissamik negeroorut.
Sammisaq: Sakkortuumik pissusilersortarnerup pinaveersaartillugulu iliuuseqarfiginissaa.

Sammissaq:	Sakkortuumik pissusilersortarnerup pinaveersaartillugulu iliuuseqarfiginissaa
Piffissami:	Sap.ak. 17, ulluni 22.-23.-24. april 2026
Sumiiffissaq:	Pissassarfik, Sisimiut
Peqataasinnaasut:	20
Sullinniakkat:	Paaqutarinnittartut aamma tapersersortit
Qinnuteqarnissamut killigititaq:	Kingusinnerpaamik 06.03.2026
Pikkorissaaneq:	Pikkorissaaneq danskisut ingerlanneqassaaq oqalutseqassallunilu
Akia:	Pikkorissaaneq, angalaneq ineqartitaanerlu akeqanngillat

Nassuiaat:

Durewall® Metoden-imeersut teknikkit, tunngaviillu qulit pinaveersaartitsinermi sakkussatut paasisimasaqarfigilernissaannut pikkorissarneqassaatit.

Durewall® metoden-imi Nænsom Nødværge® tassaavoq innarliinani annersitsinanilu aaqqiagiinnginnerup iliuuseqarfiginissaanut periuseq. Timimik atuilluni peqataatitsinikkut, timip oqariartuutaasigut oqalunnikkullu tamanna pisinnaavoq. Innuttaasoq qitiutillugu pikkorissaassaagut, aaqqiagiinnginnermullu pissutaasinnaasut ajornartorsiutit tunuliaqutitut inissisimaneri, kiisalu suliamik immikkut ilinniarsimasut sullissisut qanoq issusaat pinaveersaartitsinikkut aammalu annikillisaasinnaanikkut iliuuserisinnaasaat qimerluussavagut.

Pikkorissarnermi ilaatigut makku suliaqarfigissavatit:

- Durewall® metoden-ip tunngavii qulit (10 principper). Tunngaviit misissussavagut suliaqarfigalugillu, kiisalu pinaveersaartitsinermit aaqqiagiinnginnerullu annikillisaanissaanut tunngaviit qanoq sunniuteqartarnerat paasisimasaqarfiginerulissallugit.
- Durewall® metoden-imi teknik program-imi, timi atorlugu qajannaarneqarsimatilluni periarissamut periaatsit aqutsineq/aqutissiinerlu sungiusassavagut. Aaqqiagiinnginnermik annikillisaataasinnaasut kiisalu aaqqiagiinnginnermik iliuuseqarfiginninnermi atorneqartartut teknikkit qimerluussavagut.
- Qiningatsikkiartuaarnermut ersiutit. Qiningatsikkiartuaartoqarnerani ersiuteqartoqartillugu, nakkutiginninnissamut iliuuseqarnissamullu periutsit assigiinngitsut iserfigissavagut.
- Nammineerluni suliffigisamit pisimasuutitaq. Maannakkut tamanna suliffinni atuuppat, taava pisimasuutitaq naleqquttoq aallavigalugu sulisinnaavugut.
- Aaqqiagiinnginnermut ilisarnaat. FØR-UNDER-EFTER modelleq pinaveersaartitsinermi paasinninniarnermilu atorneqartartoq atorlugu sulissaagut. Aammattaaq F-it pingasut I-llu pingasut (Akiuunneq (Fight), Qerineq (Frys), Qimaaneq (Flygt) aamma Taqamut iseqarneq (Intuition) Eqqarsaatigeqqaagaangitsumik iliuuseqartarneq (Instinkt), Silassorissuseq (Intelligens) aqutigalugit qisuariartarnermut ilisarnaatit iliuuseqarnissamullu periarfissat sammissavagut. Taamalillutik innuttaasumik pinaveersaartitsiffiusumik suleqateqarnissaminut, sulisut inunnik qanimut sullissisut akisussaassusermik tiguseqataassapput.

**Siunertaq:**

Durewall® Metoden-ip tunngavii qulit (10 principper) pinaveersaartitsinermut periutsit, sakkortuumilu pisoqartillugu naapertuuttumik iliuuseqarniarluni timi atorlugu teknikkitt pillugit pikkorissartut ilisimasaqarlualernissaat pikkorissaanerup siunertaraa. Innuttaasut sakkortuumik pissusilersorsinnaasartut, puiguttormik imaluunniit eqqarsartaatsikkut nanertuuteqarnerminnik sunnerneqasut akornani sulinermi ataatsimoorussamik attaveqarnermi periuseqarnissaq pingaartinneqarpoq. Aaqqiagiinngittoqarnissaanut pinaveersaartitsiniarluni kiisalu sakkortuumik pissusilersortoqartillugu, timi atorlugu teknikkitt atornerqarsinnaasut pillugit peqataasut tigussaasunik sakkussarsitinnegassapput. Peqataasut nammineerlutik periuersartakkatik qisuariatarnermullu ilisarnaatitik pillugit eqqarsartaatsikkut paasisimanninnertik pillugu suliaqarnissaminnut periarfissinneqarlutillu, sakkortuumik pisoqartillugu namminneq qisuariaatigisartakkaminnut ataatsimut isigisumik paasisimasaqalernissamut ilisarititsivigineqassapput. Tamatumunnga sulisut sillimaniarnerisa aammalu inersimasup/utoqqaap pissusilersuutaanut patsisaasinnaasunik, ataatsimut periuseqarlunilu paasisimasaqatigiinnermi inersimasup/utoqqaap toqqissisimanissaata qaffassarneqarnissaa siunertaavoq.

Pikkorissaasoq:

Thomas Kortegaard Brandt ilinniartitsisutut ilinniarsimavoq Durewall®-instruktøritullu diplomeqarluni. Thomas atuarfinni, tarnimikkullu nappaateqartunut isumaginninnermi inissianik neqerooruteqartarnermik suliaqarluni sulinkuuvoq. Meeqqanik inuusuttunillu autismeqartunik, ADHD-eqartunik OCD-eqartunillu sullissinnermi misilittagartuujuvoq. Ukiullu kingulliit arfineq-marluk ingerlaneranni inuit qitiutillugit, aaqqiagiinnginnermik pinaveersaartitsineq sakkortuumillu pissusilersortoqartillugu timi atorlugu tamatuma qanoq iliuuseqarfiginissaa pillugu sullissisunik pikkorissaanermik ingerlatsisuuvoq.

Qinnuteqarneq:

Immersugassaq ilanngunneqartoq immersorlugu peqataaniarluni nalunaarneq pissaaq.

Qinnuteqarnermi akissutissarsinissaq:

Piffissaq qinnuteqarfissarititaasup qaangiunnerani sapaatip akunnerata kingorna akissutissarsisoqassaaq.

Angalaneq, ineqarneq, nerisaqarneq, ullormusiat aningaasartuutillu:

Pikkorissarneq, angalaneq ineqartitaanerlu akeqanngillat.

Angalaneq billetsilu:

Illoqarfimmit allamit peqataasussat pikkorissarnerup aallartiffissaa ullormik sioqqullugu tikissapput, pikkorissarnerlu naammassippat aqaguani aallaqqissallutik.

Taamaakkaluortoq angalatitsivinnit ullut angallavissat apeqqutaallutik, tikiffissat aallarfissallu allaanerusinnaapput.

Malugiuk: billetsit akikinnerit allanngortissinnaanngitsullu atornerqassapput. Taamaammat billetsinik inniminneriikkanik allannguinnermi taamaatitsinermiluunniit, Pissassarfiup angalanermut aningaasartuutai peqataasussap sulisitsisuata matussusissavai.

Najugaqarfissaq:

SØMA

**Nerisaqarneq:**

Ulluni pikkorissarfiusuni, peqataasut takkullutik Pissassarfimmiinneranni unillatsiarnerni tamussius-sassat aamma ulloqqeqasiutissat Pissassarfiup isumagissavai, ullaakkorsiorneq SØMA-mi ineqarnermut ilaareerpoq. Unnukkorsiorneq Pissassarfimmut attuumassuteqanngilaq.

Ullormusiat aamma aningaasartuutit:

Atorfeqartup aningaasarsiai ullormusiassaalu sulisitsisup matussusissavai.

Billetsimut najugaqarnissamullu aningaasartuutit Pissassarfiup matussusissavai

Malugiuk: Pikkorissariartussaq ullormusiat pillugit apeqqutissaqaruni nammineq pisortarisani qaninneq saaffigissammagu. Najukkami angallatsilluni mittarfiliaanneqarnermiit ornitassami apuuffigisassamut, allallu aningaasartuutaasut soorlu errorsineq Pissassarfimmut attuumassuteqanngillat.

Apeqqutissaqaruit attaviginninnissannut tikilluaquatsigit:

E-maili: pissassarfik@nanoq.gl

Oqarasuaat: 34 50 70